

## Meje Po Carte Juan Cotacaya Tatina, Pomonae Jesucristo Pejume Cowuntsiwi Tatinatsi. Barapo Carte Petabũ Carucuae Carta.

*Meje yabara poxonae Juan jũntũ* weiweinaya tatina,  
Gayo tatinatsi

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowuntsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsico-taeinchi irũ nejume cowuntsixae Nacom. Nacomtha cata wũcatsi xua jũntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi. <sup>3</sup> Bichocono jũntũ coyene weiweinan poxonae ichamonae pomonae pejume cowuntsiwi jiwana taxantha pata yawa netsipaeba. Barapomonae cayabara paeba xua pinae yajũntũ coyeneya popona ducuaenaebiyame Nacom pia pexainyei coyenewa tatsi. Bara xainyei bara barapo coyenewa exaname. <sup>4</sup> Dapocotsiwa aibi pocotsiwa jume tan pocotsiwa xua nejũntũ coyene weiweina exana beyacaincha xua poxonae jume tan xua tajiwimonae xaniwaicha beta jinompa Nacom peitabaratha tatsi pejume cowuntsixae Jesucristo.

<sup>5</sup> Pon tacaantobetsim, pon be tayapin tacanatsico-taeinchi irũ nejume cowuntsixae Jesucristo. Bichocono xanepanaya exaname xua Nacom nexa xua poxonae yawenama pomonae Jesucristo pejume cowuntsiwichi, mataũtano poxonae yawenama pomonae icha nacuan werena pepatsiwi, pomonae bequein jopa neyaitae

jiwi. <sup>6</sup> Barapomonaē pomonaē icha nacuan werena pepatsiwi pomonaē Jesucristo pejume cowũntsiwichi jeichichi: “Maisa bichocono pana antobe Gayo tsipei pana yawena”, jei barapomonaē. Cawũcatsi xua barapomonaē equeicha neyawenaenexa xua pocotsiwa barapomonaē nantawenona xua poxonaē warapaena jinya neexanaenexa po coyenewa Nacom ichichipa bichocono. <sup>7</sup> Barapomonaē ponarũcũpa xua Jesucristo petanacuichiwa tsainchi. Barapomonaē jopa wũcaeyo pomonaetha pomonaē jopa pejume cowũntsiwi Nacom xua peyawenaenexatsi pocotsiwa penantawenonaewa. <sup>8</sup> Daxota bewa barapomonaē yawenaetsi xua bapoxonaē barapara irũ barapomonaē nanabarũ cueicueijeichi pexainyei jume diwesi.

*Meje yabara po diwesi xua Diótfes abe exana xuano irũ*  
Demetrio beta exana

<sup>9</sup> Xan caena bayatha icha coyenewiyo tatinan Jesucristo pejume cowũntsiwichi. Daichitha Diótfes jopa jume cowũntsiyo taitorobi coyenewa, tsipei barapomonaē pomonaē Jesucristo pejume cowũntsiwichi pia xantha tatsi Diótfes ichichipa naexana be pon pecanamataxeinaein. <sup>10</sup> Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wũnae weyataeya wabeibiyo pomonaetha pomonaē Jesucristo pejume cowũntsiwichi. Irũ pomonaē jiwi pententa weyatabiya wabeibiwi, baxuan cui matawentatsi, yawa bapon barapomonaē itaweta pomonaē Jesucristo pejume cowũntsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi irũ nejume cowũntsixae Jesucristo jopa acuicoyenebeyā poponaeinde icha poxonaē ichũn ichi xua acuicoyenebeyā popona. Saya jame maisa beta

exanaponde icha poxonae ichən ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruru xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesi bequein cataunxuae xinan xua tacamuxu tsipaebiwa tsainchi, daichitha jopa beyabara tinaeyo paperatha barapo diwesi. <sup>14</sup> Bara nama methaunxuae catayopiyaeinchi nexata bapoxonae wanatsipaebiwa tsanebe.

<sup>15</sup> Bara Nacom junte ma popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwimonae.

Baja Juan.

Nacom Pejume Diwesi po diwesi pena jume diwesi xua  
 Jesucristo yabara tinatsi  
 New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

### Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

